

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՊԱՏՄՈՒԹՅԱՆ ՖԱԿՈՒԼՏԵՏ

ЕРЕВАНСКИЙ ГОСУДАРСТВЕННЫЙ УНИВЕРСИТЕТ
ИСТОРИЧЕСКИЙ ФАКУЛЬТЕТ

YEREVAN STATE UNIVERSITY
FACULTY OF HISTORY

ՊԱՏՄՈՒԹՅՈՒՆ ԵՎ ՄՇԱԿՈՒՅԹ
ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА
АРМЕНОВЕДЧЕСКИЙ ЖУРНАЛ

HISTORY AND CULTURE
JOURNAL OF ARMENIAN STUDIES

№ 2

ԵՐԵՎԱՆ - ԵՐԵՎԱՆ - YEREVAN
ԵՊՀ ՀՐԱՏԱՐԱԿՉՈՒԹՅՈՒՆ, ИЗДАТЕЛЬСТВО ЕГУ, YSU PRESS
2021

*Հրատարակվում է Երևանի պետական համալսարանի
պատմության ֆակուլտետի գիտական խորհրդի որոշմամբ*

Գլխավոր խմբագիր՝ պ.գ.դ., պրոֆ. Էդիկ Մինասյան

Խմբագրական խորհուրդ՝

Աշոտ Մելքոնյան (ՀՀ ԳԱԱ ակադեմիկոս, պ.գ.դ., պրոֆ.), Արամ Սիմոնյան (ՀՀ ԳԱԱ թղթ. անդամ, պ.գ.դ., պրոֆ.), Ալբերտ Ստեփանյան (պ.գ.դ., պրոֆ.), Հայկ Ավետիսյան (պ.գ.դ., պրոֆ.), Լևոն Չուգասյան (արվ.գ.դ., պրոֆ.), Համլետ Պետրոսյան (պ.գ.դ., պրոֆ.), Արման Եղիազարյան (պ.գ.դ., պրոֆ.), Հայկազ Հովհաննիսյան (պ.գ.դ., պրոֆ.), Աշոտ Ներսիսյան (պ.գ.դ., պրոֆ.), Աշոտ Հայրունի (պ.գ.դ., պրոֆ.), Վալերի Թունյան (պ.գ.դ., պրոֆ.), Վանիկ Վիրաբյան (պ.գ.դ., պրոֆ.), Ռաֆիկ Նահապետյան (պ.գ.դ., պրոֆ.), Հակոբ Հարությունյան (պ.գ.դ., պրոֆ.), Հովիկ Գրիգորյան (պ.գ.թ., դոց.), Մխիթար Գաբրիելյան (պ.գ.թ., դոց.), Էդգար Հովհաննիսյան (պ.գ.թ., դոց.):

Главный редактор - докт. ист. наук, проф. Эдик Минасян

Редакционная коллегия:

Ашот Мелконян (академик НАН РА, д.и.н., проф.), Арам Симонян (чл.-кор. НАН РА, д.и.н., проф.), Альберт Степанян (д.и.н., проф.), Айк Аветисян (д.и.н., проф.), Левон Чугасзян (д. иск. н., проф.), Гамлет Петросян (д.и.н., проф.), Арман Егиазарян (д.и.н., проф.), Айказ Оганесян (д.и.н., проф.), Ашот Нерсисян (д.и.н., проф.), Ашот Айруни (д.и.н., проф.), Валерий Тунян (д.и.н., проф.), Ваник Вирабян (д.и.н., проф.), Рафик Напетян (д.и.н., проф.), Акоб Арутюнян (д.и.н., проф.), Овик Григорян (к.и.н., доц.), Мхитар Габриелян (к.и.н., доц.), Эдгар Оганнисян (к.и.н., доц.).

Editor-in-Chief: Doctor of Sciences, Prof. Edik Minasyan

Editorial Board:

Ashot Melkonyan (Academician of NAS RA, Doctor of Sciences, Prof.), Aram Simonyan (Corresp. Member of NAS RA, Doctor of Sciences, Prof.), Albert Stepanyan (Doctor of Sciences, Prof.), Hayk Avetisyan (Doctor of Sciences, Prof.), Levon Chugaszyan (Doctor of Arts, Prof.), Hamlet Petrosyan (Doctor of Sciences, Prof.), Arman Yeghiazaryan (Doctor of Sciences, Prof.), Haikaz Hovhannisyan (Doctor of Sciences, Prof.), Ashot Nersisyan (Doctor of Sciences, Prof.), Asot Hayruni (Doctor of Sciences, Prof.), Valeri Tunyan (Doctor of Sciences, Prof.), Vanik Virabyan (Doctor of Sciences, Prof.), Rafik Nahapetyan (Doctor of Sciences, Prof.), Hakob Harutunyan (Doctor of Sciences, Prof.), Hovik Grigoryan (PhD in History, Associate Prof.), Mkhitar Gabrielyan (PhD in History, Associate Prof.), Edgar Hovhannisyan (PhD in History, Associate Prof.).

ISSN 1829-2771

ԲՈՎԱՆԴԱԿՈՒԹՅՈՒՆ СОДЕРЖАНИЕ / CONTENT

ՊԱՏՄՈՒԹՅՈՒՆ / ИСТОРИЯ / HISTORY

Էդիկ Մինասյան - ՀԱՅ-ԹՈՒՐԷԱԿԱՆ ՀԱՐԱԲԵՐՈՒԹՅՈՒՆՆԵՐԸ ՀՀ ԱՆԿԱԽՈՒԹՅԱՆ ՏԱՐԻՆԵՐԻՆ	6
Эдик Минасян - АРМЯНО-ТУРЕЦКИЕ ОТНОШЕНИЯ В ГОДЫ НЕЗАВИСИМОСТИ РА	26
Edik Minasyan - ARMENIAN-TURKISH RELATIONS DURING THE YEARS OF INDEPENDENCE OF THE RA	28
Էդուարդ Չոհրաբյան - ՀԱՍԱՐԱԿՈՒԹՅԱՆ ԳԱՂԱՓՈՐԱԿԱՆ ՓՈԽԱԿԵՐՊՄԱՆ ԳՈՐԾԸՆԹԱՑՆԵՐԸ ԽՈՐՀՐԴԱՅԻՆ ՀԱՅԱՍՏԱՆՈՒՄ 1930-1980-ԱԿԱՆ ԹԹ.	31
Эдуард Зограбян - ПРОЦЕСС ИДЕОЛОГИЧЕСКОЙ ТРАНСФОРМАЦИИ АРМЯНСКОГО ОБЩЕСТВА В СОВЕТСКОЙ АРМЕНИИ С 1930 ПО 1980-ЫЕ ГОДЫ	39
Eduard Zohrabyan - THE PROCESS OF IDEOLOGICAL TRANSFORMATION OF SOCIETY IN Soviet Armenia in 1930-1980	39
Ֆելիքս Մովսիսյան - ՀԱՅ ՀԱՍԱՐԱԿԱԿԱՆ ՄԻՏՔԸ 1840-ԱԿԱՆ ԹՎԱԿԱՆՆԵՐԻ ԻՈՒԱՆԴԱԿԱՆ ԱԶԳԱՅԻՆ ՇԱՐՃՄԱՆ ՄԱՍԻՆ	40
Феликс Мовсисян - АРМЯНСКАЯ ОБЩЕСТВЕННАЯ МЫСЛЬ ОБ ИРЛАНДСКОМ НАЦИОНАЛЬНОМ ДВИЖЕНИИ 1840-Х ГОДОВ	57
Feliks Movsisyan - ARMENIAN PUBLIC OPINION ON THE IRISH NATIONAL MOVEMENT OF THE 1840s	57
Валерий Тунян - ПОБОРНИКИ ОТРИЦАНИЯ ГЕНОЦИДА АРМЯН	59
Վալերի Թունյան - ՀԱՅՈՑ ՑԵՂԱՍՊԱՆՈՒԹՅԱՆ ՄԵՐԺՄԱՆ ԶԱՏԱԳՈՎՆԵՐԸ	64
Valery Tunyan - DEFENDERS OF THE DENIAL OF THE ARMENIAN GENOCIDE	64
Վանիկ Վիրաբյան - ԱԶԳԱՄԻՋՅԱՆ ԶԱՐԳԱՑՈՒՄՆԵՐԸ ԵՎ ԱՆՏԱՆՏԻ ՊԵՏՈՒԹՅՈՒՆՆԵՐԸ ԱՆԴՐԿՈՎՎԱՍՈՒՄ 1917 Թ. ՀՐԿՏԵՄԲԵՐՅԱՆ ՀԵՂԱՇՐՋՈՒՄԻՑ ՀԵՏՈ	65
Ваник Виравбян - МЕЖЭТНИЧЕСКИЕ СОБЫТИЯ И АНТАНТОВСКИЕ ГОСУДАРСТВА В ЗАКАВКАЗЬЕ ПОСЛЕ ОКТЯБРЬСКОЙ РЕВОЛЮЦИИ 1917 ГОДА	82
Vanik Virabyan - INTERETHNIC DEVELOPMENTS AND THE ENTENTE STATES IN TRANSCAUCASIA AFTER THE OCTOBER 1917 REVOLUTION	82
Սարգիս Գրիգորյան - ԱԴՐԲԵՋԱՆՑԻ ԻՍԼԱՄԱԿԱՆՆԵՐԻ ԱԿՏԻՎՈՒԹՅՈՒՆԸ ԿՈՎԿԱՍՈՒՄ ԵՎ ՄԵՐՁԱՎՈՐ ԱՐԵՎԵԼՔՈՒՄ	84
Саргис Григорян - АКТИВНОСТЬ АЗЕРБАЙДЖАНСКИХ ИСЛАМИСТОВ НА КАВКАЗЕ И БЛИЖНЕМ ВОСТОКЕ	91
Sargis Grigoryan - ACTIVITY OF AZERBAIJANI ISLAMISTS IN THE CAUCASUS AND IN THE MIDDLE EAST	92
Նարա Սարգսյան - ՀԱՄԻԴՅԱՆ ԶԱՐԴԵՐԻ ՀՈԳԵՔԱՆԱԿԱՆ ԱԶԳԵՑՈՒԹՅՈՒՆՆԵՐԻ ԱՐՏԱՑՈՒՈՒՄԸ ԱՐՓԻԱՐ ԱՐՓԻԱՐՅԱՆԻ «ԿԱՐՄԻՐ ԺԱՄՈՒՅ» ՎԻՊԱԿՈՒՄ	93
Нара Саргсян - ОТРАЖЕНИЕ ПСИХОЛОГИЧЕСКОГО ВОЗДЕЙСТВИЯ ХАМИДИЙСКОЙ РЕЗНИ В ПРОИЗВЕДЕНИИ АРПИАР АРПИАРЯНА "БАГРОВОЕ ПРИНОШЕНИЕ"	101
Nara Sargsyan - THE REFLECTION OF PSYCHOLOGICAL INFLUENCE OF HAMIDIAN MASSACRES IN ARPIAR ARPIARYAN'S NOVELETTE "THE CRIMSON OFFERING"	101
Էդգար Չախոյան - Վրաստան-ԱՄՆ դիվանագիտական հարաբերությունները Միխեիլ Սաակաշվիլիի նախագահության առաջին շրջանում (2004-2007 թթ.)	102
Эдгар Чахойан - ДИПЛОМАТИЧЕСКИЕ ОТНОШЕНИЯ ГРУЗИИ И США ПРИ ПЕРВОМ ПРЕЗИДЕНТСКОМ СРОКЕ МИХАИЛА СААКАШВИЛИ (2004-2007 гг.)	112
Edgar Chakhoyan - DIPLOMATIC RELATIONS BETWEEN GEORGIA AND THE USA DURING THE FIRST PERIOD OF THE PRESIDENCY OF MIKHAIL SAAKASHVILI (2004-2007)	113
Արման Տաֆարյան - Օ НЕКОТОРЫХ ОСОБЕННОСТЯХ КОНВЕРГЕНТНОЙ И МУЛЬТИМЕДИЙНОЙ ЖУРНАЛИСТИКИ В РЕСПУБЛИКЕ АРМЕНИЯ	114
Արման Սաֆարյան - ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՈՆՎԵՐԳԵՆՏ և ՄՈՒԼՏԻՄԵԴԻԱՄԵՂԻԱՅԻՆ ԼՐԱԳՐՈՒԹՅԱՆ ՈՐՈՇ ԱՌԱՆՁՆԱԿԱՏԿՈՒԹՅՈՒՆՆԵՐԻ ՄԱՍԻՆ	118

Safaryan Arman – ON SOME FEATURES OF CONVERGENT AND MULTIMEDIA JOURNALISM IN THE REPUBLIC OF ARMENIA	118
Անդրանիկ Եսայան – ԻՐԱՎԻՃԱԿԸ ՀՅՈՒՄԻՍԱՐԵԿԵԼՅԱՆ ՀԱՅԱՍՏԱՆՈՒՄ XVIII Դարի ԱՌԱՋԻՆ ՔԱՌՈՐԴԻՆ	119
Андраник Есаян – СИТУАЦИЯ В СЕВЕРО-ВОСТОЧНОЙ АРМЕНИИ В ПЕРВОЙ ЧЕТВЕРТИ 18 ВЕКА	125
Andranik Yesayan – THE SITUATION IN NORTHEASTERN ARMENIA IN THE FIRST QUARTER OF THE 18-TH CENTURY	126
Տարոն Սարոյան - ԹՈՒՐԵԻԱՅԻ ԵՎ ՌՈՒՍԱՍՏԱՆԻ ՇԱՀԵՐՆ ՈՒ ՀԱԿԱՍՈՒԹՅՈՒՆՆԵՐԸ ՀԱՐԱՎԱՅԻՆ ԿՈՎՎԱՍԻ ԱՇԽԱՐՀԱՔԱՐԱՔԱԿԱՆ ՆՈՐ ԻՐՈՂՈՒԹՅՈՒՆՆԵՐՈՒՄ (2010-2016) ...	127
Тарон Сакоян - ИНТЕРЕСЫ И ПРОТИВОРЕЧИЯ ТУРЦИИ И РОССИИ НА ЮЖНОМ КАВКАЗЕ В НОВЫХ ГЕОПОЛИТИЧЕСКИХ РЕАЛИЯХ (2010-2016)	136
Taron Sakoyan - INTERESTS AND CONTRADICTIONS BETWEEN TURKEY AND RUSSIA IN THE SOUTH CAUCASUS IN NEW GEOPOLITICAL REALITIES (2010-2016)	136
Majid Karimi - THE ETIMOLOGY AND ORIGINS OF THE NAME NAKHICHEVAN FROM THE HISTORICAL SOURCES	137
Մաջիդ Քարիմի - ՆԱԽԻՋԵՎԱՆ ԱՆՎԱՆ ՍՏՈՒԳԱՔԱՆՈՒԹՅՈՒՆԸ և ԾԱԳՈՒՄԸ ԸՍՏ ՊԱՏՄԱԿԱՆ ԱՂԲՅՈՒՐՆԵՐԻ	147
Маджид Карими - ЭТИМОЛОГИЯ И ПРОИСХОЖДЕНИЕ НАЗВАНИЯ НАХИДЖЕВАН ПО ИСТОРИЧЕСКИМ ИСТОЧНИКАМ	147
Օֆելյա Դարբինյան - ԼԻԲԱՆԱՆԱՀԱՅԵՐԻ ՀԱՅՐԵՆԱԴԱՐՉՈՒԹՅԱՆ ԱՌԱՆՋՆԱՀԱՏԿՈՒԹՅՈՒՆՆԵՐԸ, ԱՐԴՅՈՒՆՔՆԵՐՆ ՈՒ ՀԵՏԵՎԱՆՔՆԵՐԸ	148
Офелия Дарбинян - ОСОБЕННОСТИ РЕПАРТАЦИИ ЛИВИНСКИХ АРМЯН, РЕЗУЛЬТАТЫ И ПОСЛЕДСТВИЯ (1946-1949 ГГ.)	158
Ofelya Darbinyan - PECULIARITIES, RESULTS AND CONSEQUENCES OF THE REPATRIATION OF THE LEBANESE-ARMENIANS (1946-1949)	158
Արևշատ Մինասյան - ՈՒՐՈՒԳՎԱՅԻ ՀԱՅԿԱԿԱՆ ՀԱՄԱՅՆՔԸ	159
Аревшат Минасян - АРМЯНСКАЯ ОБЩИНА УРУГВАЯ	164
Arevshat Minasyan - THE ARMENIAN COMMUNITY OF URUGUAY	164
Միքայել Միքայելյան - ԱՄԵՆԱՅՆ ՀԱՅՈՑ ԿԱԹՈՂԻԿՈՍ ՄԱՏԹԵՈՍ II ԻԶՄԻՐԼՅԱՆԻ ՀԱՆԴԻՊՈՒՄԸ ՌՈՒՄԱՑ ԿԱՅՍՐ ՆԻԿՈԼԱՅ II-Ի ՀԵՏ	166
Микаел Микаелян - ВСТРЕЧА КАТОЛИКОСА ВСЕХ АРМЯН МАТТЕОСА II ИЗМИРЛЯНА С РОССИЙСКИМ ИМПЕРАТОРОМ НИКОЛАЕМ II	172
Mikayel Mikayelyan - MEETING OF CATHOLICOS OF ALL ARMENIANS MATTEOS II IZMIRLYAN WITH RUSSIAN EMPEROR NICHOLAS II	172

**ՀՆԱԳԻՏՈՒԹՅՈՒՆ ԵՎ ԱԶԳԱԳՐՈՒԹՅՈՒՆ / АРХЕОЛОГИЯ И ЭТНОГРАФИЯ /
ARCHAEOLOGY AND ETHNOGRAPHY**

Սամվել Մկրտչյան - ԷԹՆԻԿ ԻՆՔՆՈՒԹՅԱՆ ԵՎ ՊԱՏՄԱԿԱՆ ՀԻՇՈՂՈՒԹՅԱՆ ԴՐՍԵՎՈՐՈՒՄՆԵՐԸ ՀԱՅՈՑ ՏՈՆԱԾԻՍԱԿԱՆ ՄՇԱԿՈՒՅԹՈՒՄ	173
Самвел Мкртчян – ПРОЯВЛЕНИЕ ЭТНИЧЕСКОЙ ИДЕНТИЧНОСТИ И ИСТОРИЧЕСКОЙ ПАМЯТИ В АРМЯНСКОЙ ПРАЗДНИЧНООБРЯДНОЙ КУЛЬТУРЕ	178
Samvel Mkrtychyan - MANIFESTATIONS OF ETHNIC IDENTITY AND HISTORICAL MEMORY IN THE ARMENIAN FESTIVAL AND RITUAL CULTURE	178

ՌԻՍՈՒՄՆԱՍԵԹՈՂԱԿԱՆ / УЧЕБНО-МЕТОДИЧЕСКИЙ / EDUCATIONAL-METHODOLOGICAL

Մերի Հովհաննիսյան - ՆԱԽԱԳԾԱՅԻՆ ՌԻՍՈՒՑՄԱՆ ԱՌԱՆՋՆԱՀԱՏԿՈՒԹՅՈՒՆՆԵՐԸ	180
Мери Оганнисян - <i>ОСОБЕННОСТИ ПРОЕКТНОГО ОБУЧЕНИЯ</i>	186
Meri Hovhannisyanyan - PECULIARITIES OF PROJECT-BASED LEARNING	186

ԳԻՏԱԿԱՆ ԿՅԱՆՔ

ԳԻՏԱԺՈՂՈՎ ԵՎ ՆԿԻՐՎԱԾ ԱՆՎԱՆԻ ՊԱՏՄԱԲԱՆ ԱՐՏԱԿ ՄՈՎՍԻՍՅԱՆԻ ՀԻՇԱՏԱԿԻՆ .. 188
ՏԵՂԻ Է ՈՒՆԵՑԵԼ ՊԱՏՄԱԲԱՆԻ ՕՐԿԱՆ ՆԿԻՐՎԱԾ ՄԻՋԱԶԳԱՅԻՆ ՀՆԳՕՐՅԱ
ԳԻՏԱԺՈՂՈՎԸ 190
ՊԱՏՄՈՒԹՅԱՆ ՖԱԿՈՒՆԵՏՈՒՄ ՏԵՂԻ Է ՈՒՆԵՑԵԼ ՀԱՅՐԱՊԵՏ ՄԱՐԳԱՐՅԱՆԻ ՀԻՇԱՏԱԿԻՆ
ՆԿԻՐՎԱԾ ՄԻՋԱԶԳԱՅԻՆ ԳԻՏԱԺՈՂՈՎ 192

ՄԵՐ ԵՐԱՆՏԱԿՈՐՆԵՐԸ

НА ПЕРЕКРЕСТКЕ ИСТОРИЧЕСКИХ И ЕСТЕСТВЕННЫХ НАУК 194

ՏԵՂԵԿՈՒԹՅՈՒՆՆԵՐ ՀԵՂԻՆԱԿՆԵՐԻ ՄԱՍԻՆ 196

INFORMATION ABOUT THE AUTHORS 197

«ՊԱՏՄՈՒԹՅՈՒՆ ԵՎ ՄՇԱԿՈՒՅԹ» ՀԱՅԱԳԻՏԱԿԱՆ ՀԱՆՂԵՍԻ
ՀԱՄԱՑԱՆՑԱՅԻՆ ՀԱՐԹԱԿՈՒՄ ԳՐԱՆՑՄԱՆ ՈՒՂԵՑՈՒՅՑ 198

Տարոն Սաքոյան

ԹՈՒՐՔԻԱՅԻ ԵՎ ՌՈՒՍԱՍՏԱՆԻ ՇԱՀԵՐՆ ՈՒ ՀԱԿԱՍՈՒԹՅՈՒՆՆԵՐԸ ՀԱՐԱՎԱՅԻՆ ԿՈՎԿԱՍԻ ԱՇԽԱՐՀԱՔԱՂԱՔԱԿԱՆ ՆՈՐ ԻՐՈՂՈՒԹՅՈՒՆՆԵՐՈՒՄ (2010-2016)

Հիմնաբառեր. Ռուսաստան, Թուրքիա, Հարավային Կովկաս, ուժային հավասարակշռություն, սիրիական ճգնաժամ, ուկրաինական ճգնաժամ, ԵԱՏՄ, գործոն, Հայաստան, Ադրբեջան, դարաբաղյան կոնֆլիկտ:

Հոդվածի նպատակը Հարավային Կովկասում Ռուսաստանի և Թուրքիայի շահերի ու հակասությունների վերլուծությունն է, որոնք հիմնականում սրվեցին սիրիական և ուկրաինական ճգնաժամների ազդեցության տակ: Այդպիսի պայմաններում Ադրբեջանն առանցքային գործիք դարձավ Անկարայի համար, ինչը թույլ տվեց վերջինիս աստիճանաբար առաջ մղել իր շահերը տարածաշրջանում: Միաժամանակ Հայաստանի մասնակցությամբ ԵԱՏՄ ձևավորումը (նրա կողմից առանց որևէ նախապայմանի) բացասաբար անդրադարձավ նրա գործոնի վրա առաջին հերթին դաշնակից Մոսկվայի հետ հարաբերություններում: Իսկ Մոսկվայի նկատմամբ Արևմուտքի քաղաքական և տնտեսական պատժամիջոցների համապատկերում Թուրքիան ու Ադրբեջանը, ի հեճուկս Հայաստանի շահերի, զգալիորեն ամրապնդեցին իրենց աշխարհաքաղաքական գործոնները Ռուսաստանի հետ հարաբերություններում:

21-րդ դարի երկրորդ տասնամյակում Հարավային Կովկասը գերծ չմնաց բախումներից: Տարածաշրջանը՝ նաև որպես հետխորհրդային տարածքի մաս, զգայուն եղավ տեղի աշխարհաքաղաքական իրադարձությունների նկատմամբ: Հարավային Կովկասը երկուստեք ցավոտ տարածաշրջան է, որտեղ ռուս-թուրքական շահերն ու բախումները միշտ էլ սուր են եղել: Աշխարհաքաղաքական իրողությունները, որոնց պայմաններում տարածաշրջանում արտահայտվեցին ռուս-թուրքական հակասությունները, պայմանավորված էին նաև սիրիական և ուկրաինական ճգնաժամերով, որոնցից ևս կողմերն անմասն չէին մնացել: Ուստի ճշմարիտ է տեսակետը, որ դարասկզբում քառսային վիճակի հաստատումը Մերձավոր Արևելքում հայության և Հայաստանի վրա կարող է «խիստ բացասաբար» անդրադառնալ¹:

21-րդ դարի երկրորդ տասնամյակ Թուրքիան մուտք գործեց Ադրբեջանի հետ իրավապայմանագրային հիմքով հաստատված դաշինքով²: Այդ համաձայնագիրը դարձավ Ադրբեջանում Թուրքիայի քաղաքականության ճանապարհային քարտեզի գլխավոր բաղադրիչը³, ինչն էական նշանակություն ունեցավ Հարավային Կովկասում ռազմա-քաղաքական բալանսի համատեքստում: Ադրբեջանն իր անվտանգային խնդիրների լուծումը կապում էր Թուրքիայի հետ, որով տարածաշրջանում Ռուսաստանի ներկայությունը սկսել էր կաշկանդել նրան⁴: Այս տեսակետը հաստատում է ադրբեջանցի քաղաքագետ Ռ. Միրկադիրովի այն համոզմունքը, որ Ռուսաստանը չունի քաղաքական և տնտեսական անհրաժեշտ ռեսուրսներ՝ Հարավային Կովկասը սեփական ազդեցության տակ պահելու համար, ուստի պետք է «ազատ նավարկության» թողնի տարածաշրջանի պետու-

* Հոդվածը ներկայացվել է 28.07.2021 թ., գրախոսվել՝ 21.12.2021 թ., ընդունվել տպագրության՝ 30.12.2021 թ.:

¹ Տե՛ս Հովհաննիսյան Ն., Գևորգյան Գ., «Արաբական գարուն». համաարաբական ըմբոստությունը հանուն արաբական հասարակության արդիականացման, Ե., 2018, էջ 43-45:

² 2010 թ. օգոստոսի 16-ին ստորագրվեց «Թուրքիայի և Ադրբեջանի միջև ռազմավարական համագործակցության և փոխօգնության մասին» համաձայնագիրը: Տե՛ս Обнародован текст военного соглашения между Азербайджаном и Турцией, 2010г., <https://regnum.ru/news/polit/1359151.html> (դիտումը՝ 13.05.2021 թ.):

³ Տե՛ս Kasapoglu C., Veiled Counter-Balancing: The Peacekeeping 'Arrangement' Between Turkey and Russia in Karabakh, Eurasia Daily Monitor Volume: 17 Issue: 181, 18.12.2020, <https://jamestown.org/program/veiled-counter-balancing-the-peacekeeping-arrangement-between-turkey-and-russia-in-karabakh/> (դիտումը՝ 25.05.2021 թ.):

⁴ ՀՀ ԱԳՆ ՊՂ բաժին, ց. 20, գ. 99, թ. 29:

թյուններին՝ նրանց հետ հարաբերությունները կառուցելով այլ ձևաչափով¹: «Ազատ նավարկություն» ասելով՝ Միրկադիբովը, թերևս, նկատի ուներ այն պայմանները, որոնք կարող էին նպաստել Հայաստանի և Արցախի դեմ թուրք-ադրբեջանական ագրեսիային:

Վրաստանի հարցում ռուս-թուրքական մրցակցությունը էապես կրճատվեց հատկապես օգոստոսյան պատերազմից հետո, երբ Թբիլիսին ամբողջությամբ սկսեց կողմնորոշվել դեպի Արևմուտք և Թուրքիա: Վրաստանի արտաքին քաղաքական կողմնորոշմամբ տարածաշրջանում Մոսկվայի դիրքերը թուլացան: Դրանից փորձեց օգտվել Թուրքիան՝ ձգտելով ընդլայնել իր ազդեցությունն այդ երկրում, որի արդյունավետությանը նպաստեցին Վրաստանի պատրաստակամությունն ու այնտեղ թուրքամետ տրամադրությունների առկայությունը: 2008 թ. ռուս-վրացական պատերազմից հետո Թուրքիայի և Ռուսաստանի դիրքերը Հարավային Կովկասում արտահայտվեցին տարբեր կերպ: Ռուսաստանն ամրապնդվեց Աբխազիայում և Հվ. Օսիայում, իսկ Թուրքիան սկսեց աջակցել Վրաստանին նրա՝ դեպի Արևմուտք կողմնորոշման հարցում: Մ. Սաակաշվիլու հակառուսական դիրքորոշումն ու թուրքամետ քաղաքականությունը հանգեցրին նրան, որ Վրաստանը հայտնվեց քաղաքական, տնտեսական և էներգետիկ կախվածության մեջ Թուրքիայից և Ադրբեջանից²: Իսկ վերջինս Թուրքիա-Վրաստան-Ադրբեջան եռազմավարական եռանկյունին փորձում էր ծառայեցնել իր հակահայ նպատակներին: Ինչպես նկատում է Է. Դավթյանը, «Ադրբեջանը հաճախ է եռակողմ ձևաչափն օգտագործում որպես լծակ ընդդեմ Հայաստանի՝ փորձելով ներկայացնել դա որպես դարաբաղյան խնդրում Ադրբեջանի հետ Թուրքիայի և Վրաստանի կողմից «համերաշխության դրսևորում»: 2015 թ. ապրիլին Թբիլիսիում ԱՀ պաշտպանության նախարար Զ. Հասանովն իր վրաց և թուրք գործընկերների հետ հանդիպման ժամանակ հայտարարեց, որ Հայաստանը տարածքային հավակնություններ ունի Ադրբեջանի, Վրաստանի և Թուրքիայի նկատմամբ, ինչն արվում էր նրանց աջակցությունը ստանալու նպատակով: Հարևանների նկատմամբ Հայաստանի «տարածքային հավակնությունների մասին» թեզիսը Ադրբեջանը պարբերաբար տարածում է»³: Ինչ վերաբերում է Վրաստանին, ապա վերջինս դարաբաղյան հարցում միջազգային տարբեր հարթակներում սատարում է թուրք-ադրբեջանական դիրքորոշմանը⁴:

Ինչ վերաբերում է դարաբաղյան հարցով ռուս-թուրքական շփումներին, պետք է արձանագրենք, որ Թուրքիան փորձում էր ռուս-թուրքական օրակարգով հասնել խնդրի ադրբեջանաանպատ լուծմանը: Այլ կերպ ասած՝ Թուրքիան, գիտակցելով այդ հարցում Ռուսաստանի լուրջ լծակները, ցանկանում էր վերջինիս համոզել հայկական կողմի վրա ճնշումներ բանեցնել՝ հասնելով խնդրի համապատասխան ելքով լուծմանը: Տարբեր առիթներով պաշտոնական Անկարան նշում էր, որ թուրքական կողմն ընդունում է Հարավային Կովկասում Ռուսաստանի անվիճելի ազդեցությունն ու լծակները, ուստի դարաբաղյան հիմնախնդրի կարգավորման բանալին գտնվում է Մոսկվայում: Այս մոտեցումը դարձավ ռուս-թուրքական քաղաքական շփումների օրակարգային կարևոր հարցերից մեկը, որտեղ Անկարան շեշտադրում էր Ռուսաստանի կամքից այդ խնդրի կարգավորման կախված լինելը: 2013 թ. նոյեմբերին Սանկտ Պետերբուրգում նախագահ Վ. Պուտինի հետ հանդիպման ժամանակ, ԹՀ վարչապետ Ռ. Էրդողանը հայտարարեց, որ, ի թիվս տարածաշրջանային այլ հարցերի, քննարկվել է նաև դարաբաղյան հիմնախնդիրը: Վերջինս նաև հավելեց, որ Թուրքիան ու Ռուսաստանն այդ հարցերում ունեն պատասխանատվություն, և նման քննարկումները տարածաշրջանային խնդիրների կարգավորման հարթակ են ստեղծում⁵: Խնդրի շուրջ Թուրքիայի դիրքորոշումը շարունակեց տեղ գտնել նաև հետագա տարիներին: 2017 թ. նոյեմբերին Ռ. Էրդողանը Բաքվում հայտարարեց. «Իմ նախորդ այցի ժամանակ քննարկել ենք Լեռնային Ղարաբաղի հարցը: Դրա հետ կապված՝ հարգելի Պուտինը հաստատեց այդ հարցում ամեն ինչ անելու փաստը: Գործընթացն արդեն 30 տարի է ձգվում է և

¹ St' u Mirkad'yrov P., Azerbaydjan-2010 // KAVKA3-2010, E., 2012, c. 25:

² St' u Aleksanyan L. M., Эволюция турецко-грузинских отношений: новые тенденции (экономический и военно-политический факторы) // Проблемы постсоветского пространства, 2017, 4 (2), с. 152-153, տե՛ս նաև Կարապետյան Ռ., Թուրքիա-Վրաստան-Ադրբեջան եռակողմ ընդլայնվող համագործակցությունը // «21-ՌԴ ԴԱՐ», Թիվ 2 (72), 2017, էջ 12-13:

³ Давтян Э., Трехстороннее военное сотрудничество Турции, Грузии и Азербайджана (ноябрь 2012 г. – май 2016 г.) // «Բանբեր Երևանի համալսարանի. Միջազգային հարաբերություններ, Քաղաքագիտություն», Ե., 2016, № 3 (21), էջ 42:

⁴ St' u Aleksanyan L. M., там же, с. 153:

⁵ Путин и Эрдоган обсудили Сирию, Ирак и Карабах, 22.11.2013, <https://regnum.ru/news/polit/1736060.html> (դիտումը՝ 20.08.2020 թ.).

տարածաշրջանում դրա լուծող ուժը Ռուսաստանն է»¹: Սիրիական թատերաբեմում հատկապես 2017 թվականից ռուս-թուրքական հարաբերություններում համագործակցային մեխանիզմների նաև Հարավային Կովկասում կիրառման ձգտումը դարձել էր Անկարայի քաղաքական օրակարգի կարևոր բաղադրիչներից:

Վերադառնալով Վրաստանի թեմային՝ պետք է նշենք, որ 2012 թ. իշխանության եկած «Վրացական երազանք» կուսակցությունը, թեև որոշակի վերապահումներ էր հայտնում Վրաստանում թուրքական ազդեցության կապակցությամբ, այդուհանդերձ ևս շարունակեց խորացնել թուրք-վրացական հարաբերությունները, իսկ ռուս-վրացական հարաբերությունների խզումը շարունակվեց, չնայած իրավիճակը հավասարակշռելու համար այդ քաղաքական ուժը նախկինում հանդես էր եկել Ռուսաստանի հետ հարաբերությունների բարելավման օգտին²: Թբիլիսիի նկատմամբ թուրքական էքսպանսիան և դրա ծավալների հետագա ընդլայնումը, ի վերջո, պետք է սպառնային Վրաստանի ազգային անվտանգությանը, ինչի մասին 2019 թ. օգոստոսին ահազանգեց երկրի վարչապետ Մ. Բախտաձեն³:

Իրավիճակը ենթադրում էր Հայաստանի նշանակության աստիճանի փոփոխություն Թուրքիայի և Ռուսաստանի համար, որը, ըստ էության, Ռուսաստանի միակ ազդեցության գոտին էր Հարավային Կովկասում: Հաշվի առնելով, որ Անկարան չէր հրաժարվել հակառուսական և հակահայկական ընթացիկ ու հեռանկարային ծրագրերից, այդ շրջանում սպասելի էին Հայաստանի և տարածաշրջանում ռուսական ազդեցության դեմ Թուրքիայից բխող սադրանքները: Ռիսկերի հավանականությունը կմեծանար հատկապես ռուս-թուրքական հարաբերությունների վատթարացման պարագայում, իսկ Ադրբեյջանը կդառնար գործիք Հայաստանի ու ԼՂՀ-ի դեմ:

Այսպիսին էր Հարավային Կովկասի աշխարհաքաղաքական պատկերը մերձավորարևելյան և հետխորհրդային տարածաշրջաններում աշխարհաքաղաքական ցնցումների նախօրյակին:

Ռուս-թուրքական գործընկերությունը 2000-ական թթ. կրում էր պաշպանողական բնույթ, ինչը պայմանավորված էր Ռուսաստան-Արևմուտք և Թուրքիա-Արևմուտք հարաբերությունների վատթարացմամբ: Ուստի Ռուսաստան-Թուրքիա հարաբերություններում որոշիչ էր Արևմուտքի նկատմամբ կողմերի վերաբերմունքը. կողմերին մտերմացրել էր Արևմուտքից մերժված լինելը⁴: Թուրք քաղաքագետ Դ. Ն. Գյոքսելը իրավացիորեն նկատել է, որ «ռուս-թուրքական հարաբերությունները Հարավային Կովկասում կշարունակեն ծավալվել Արևմուտք-Ռուսաստան և Արևմուտք-Թուրքիա հարաբերությունների հիման վրա, սակայն այս իրավիճակը Ռուսաստանի և Թուրքիայի միջև կարող է չգործել առավել լայն թատերաբեմում, ինչպես, օրինակ, Սիրիայում»⁵:

2010-2011 թթ. սկսված «Արաբական գարունը» պետք է անդրադառնար նաև Հարավային Կովկասի վրա, ինչն առաջին հերթին պայմանավորված էր Սիրիայի հարցում ռուս-թուրքական հակասությունների հետ, որոնց էլ հետագայում գումարվեց ուկրաինական ձգնաժամը: Եթե մինչ «Արաբական գարունը» Եվրասիայում ռուս-թուրքական կողմերին միավորող գլխավոր գործոնը ամերիկյանն էր, ապա հիշյալ իրադարձությունները փոխեցին նրանց հարաբերություններում ձևավորած հրամայականները: 2014 թ. Ռուսաստանին Դրիմի միացմամբ Արևմուտքը Մոսկվայի նկատմամբ սկսեց կիրառել տնտեսական և քաղաքական պատժամիջոցներ: 2014 թ. ապրիլի 1-ին ՆԱՏՕ-ն դադարեցրեց Մոսկվայի հետ համագործակցությունը՝ սառեցնելով թե՛ ռազմական, թե՛ քաղաքական հարաբերությունները: Ի պատասխան՝ նույն թվականի դեկտեմբերին Մոսկվան հայտարարեց, որ ՆԱՏՕ-ի ուժերը և նրա անդամ երկրների՝ Ռուսաստանի սահմանների մոտակայքում գտնվող ռազմական ենթակառուցվածքները երկրի համար արտաքին վտանգ են ներկա-

¹ Erdoğ an'dan 'Dağlık Karabağ' açıklaması, 22.11.2017, <https://www.yenicaggazetesi.com.tr/erdogandan-daglik-karabag-aciklamasi-177830h.htm> (նիստումը՝ 20.08.2020 թ.):

² St`u Алексанян Л. М., там же, с. 153:

³ St`u Турецкая экспансия в Грузии: исламизация не за горами, 04.10.2019, <https://www.golosarmenii.am/article/88658/tureckaya-ekspansiya-v-gruzii-islamizaciya-ne-za-gorami?fbclid=IwAR2da1i4iJo2IgUnk1Y6L-4xWygwvV8yg5fzSmdyX-OLac82mz9XAlsMTw> (նիստումը՝ 09.10.2019 թ.):

⁴ St`u Warhola James W., Bezci Egemen B., The Return of President Putin and Russian-Turkish Relations: Where Are They Headed?, SAGE Open, July-September 2013, pp. 3-4:

⁵ Goksel D. N., The dynamics of the Ankara-Moscow partnership in relation to the South Caucasus, published by the Strategic Research Center, August, 2012, p. 10.

յացնում¹: Մինչ այդ՝ հունիսին, ՌԴ-ն հեռացվել էր G8-ից, ինչը լուրջ հարված էր Ռուսաստանի միջազգային դիրքերին: Միջազգային իրադրության նման սրացումը չէր կարող չանդարդառնալ նաև ռուս-թուրքական հարաբերությունների վրա, մանավանդ որ դրանք արդեն իսկ շեղվել էին իրենց բնականոն ընթացքից: ՌԴ նկատմամբ տնտեսական և քաղաքական պատժամիջոցների սահմանումն ու դրանց հետագա ընդլայնումը, ի վերջո, կարող էին հանգեցնել նրա արտաքին քաղաքական սկզբունքների վերագնահատմանն ու փոխակերպմանը, մասնավորապես դրանցում ֆինանսատնտեսական տարրի կարևորմանը:

2015 թ. աշնան ընթացքում սիրիական հիմնահարցի շուրջ ծավալվող ռուս-թուրքական հակասությունների արդյունքում նույնբերին խոցվեց ռուսական կործանիչը: Սրան ի պատասխան՝ հետևեցին Ռուսաստանի համալիր պատժամիջոցները թուրքիայի նկատմամբ, որոնք ծանր տնտեսական հետևանքներ ունեցան վերջինիս համար: Աշխարհաքաղաքական առումով նույնպես Ռուսաստանն առանցքային նշանակություն ուներ թուրքիայի համար: Նրա հետ սերտ հարաբերություններով թուրքիան անհրաժեշտության դեպքում որպես լուրջ հակակշիռ ու, այսպես ասած, այլընտրանք էր դիրքավորվում ԱՄՆ-ի հետ իր հարաբերություններում, ինչը, որպես կանոն, սթափեցնում էր վերջինիս՝ թուրքիային տալով շոշափելի առավելություններ: Ակնհայտ է, որ ԱՄՆ-ն ռուս-թուրքական ռազմավարական գործընկերության մեջ միշտ էլ իր ազգային շահերի համար վտանգ է տեսել: Մինչդեռ Ռուսաստանի հետ հարաբերությունների խզումը թուրքիային դարձնում էր կանխատեսելի ԱՄՆ-ի համար, ինչն արդեն իսկ Անկարային դարձնում էր խոցելի: Այս ամենով պայմանավորված ռիսկերը չէին կարող չանհանգստացնել թուրքական դիվանագիտությանը, որը որոշ գործողություններով փորձեց գրավել Մոսկվայի ուշադրությունը՝ ձգտելով ցույց տալ վերջինիս, որ ռուս-թուրքական գործընկերությունը կարևոր է նաև Ռուսաստանի համար:

Արդյունքում Հարավային Կովկասում թուրքիան գործի դրեց իր դաշնակից Ադրբեջանին: Ռուսաստանին ձեռնտու չէր առկա պայմաններում (Սիրիա, Ուկրաինա) ևս մեկ խնդրի ծագումը կամ թեժացումը: Մինչդեռ թուրքիան 2015 թ. նույնբերին ծագած ռուս-թուրքական ձգնաժամից հետո պատրաստվում էր գործել Ռուսաստանի դեմ՝ օգտագործելով դարաբաղյան հիմնախնդիրը: Թուրքական սադրանքները համընկնում էին Ադրբեջանի ռազմատենչ նկրտումների հետ: Ի. Ալիևն անհանգստացած էր Ուկրաինայում սկսված հեղափոխական և անջատամետ գործընթացներով (*Վ. Յանուկովիչի տապալումն ու փախուստը ՌԴ, Ղրիմի անկախացումը, ապա՝ միացումը ՌԴ-ին, Դոնեցկի և Լուգանսկի ինքնառիշակ հանրապետությունների ձևավորումն ու դրանց դեմ Կիևի ռազմական գործողությունները*), քանի որ դրանք, նրա կարծիքով, կարող էին շեղել ուշադրությունը դարաբաղյան խնդրից: Բացի դրանից՝ Լեռնային Ղարաբաղի սուբյեկտայնության երկարատև փաստը աստիճանաբար կարող էր հանգեցնել նրա նաև դե յուրե կայացմանը, ինչը հասկանում էին նաև Բաքվում: Ուստի միջազգային հանրության ուշադրությունը սևեռելու նպատակով Ադրբեջանը պատրաստում էր հերթական ագրեսիան Լեռնային Ղարաբաղի դեմ, ինչի համար նա վերջին շրջանում սկսել էր զգալիորեն համալրել իր զինանոցը²: Ադրբեջանի հակահայ հռետորաբանությունն ուներ նաև ներքաղաքական և ներտնտեսական պատճառներ, քանի որ 2014 թվականից համաշխարհային շուկայում նավթի գնանկումը հարվածում էր Ադրբեջանի տնտեսությանն ու Ի. Ալիևի քաղաքական վարկանիշին, ուստի վերջինս նաև սեփական հանրությանը ներքին խնդիրներից շեղելու անհրաժեշտություն ուներ: Այսպիսի պայմաններում գրանցվեց 2015 թ. ռուս-թուրքական հերթական ձգնաժամը, որը հարմար առիթ էր Ալիևի համար Արցախի դեմ իրավիճակը սրելու կապակցությամբ: Այդ ձգնաժամի պայմաններում հաճախակի դարձան թուրք բարձրաստիճան պաշտոնյաների այցելություններն Ադրբեջան: 2015 թ. դեկտեմբերին Բաքու այցելեց վարչապետ Ա. Դավութջյուն, որտեղ նա ընդգծեց, որ Ադրբեջանի հետ երկխոսությունը շատ կարևոր է հատկապես Ռուսաստանի հետ հարաբերությունների սրացման համապատկերում³: Ուշագրավ է, որ Դավութջյուն Ադրբեջանի հետ թուրքիայի

¹ Տե՛ս Մկրտչյան Զ., Ռուսաստան-ՆԱՏՕ. դաշնակիցներից մինչև հակառակորդներ, 25.06.2020, <https://orbeli.am/hy/post/482/2020-06-25/Ռուսաստան-ՆԱՏՕ.+դաշնակիցներից+մինչև++հակառակորդներ> (դիտումը՝ 12.07.2020 թ.):

² Տե՛ս Ежегодник СИПРИ 2011: вооружения, разоружение и международная безопасность, М., ИМЭМО РАН, 1998-2011, 2012, с. 223:

³ Տե՛ս Курбани Г., Давутоглу А.: История Кавказа и Азии не может быть написана без участия Турции, 04.12.2015, https://www.aa.com.tr/ru/турция/ахмет-давутоглу-история-кавказ-и-азии-не-может-быть-написана-без-участия-турции/485521?fbclid=IwAR2RWm5QhmgVzUDZmH66QK3_9AQ2tIrrMTFDwVpK4_TDEnaBtbiAjDAKSDzs

երկխոսությունը կապում էր թուրք-ռուսական հարաբերությունների սրացման հետ, ինչը հայ-ռուսական կողմի համար պետք է ահազանգ լիներ: Արդյունքում 2015 թ. դեկտեմբերի 23-ին Մոսկվայում ստորագրվեց «ՀՀ-ի և ՌԴ-ի միջև Հավաքական անվտանգության կովկասյան տարածաշրջանում ՀՕՊ միավորված տարածաշրջանային համակարգ ստեղծելու մասին համաձայնագիրը»¹: 2016 թ. փետրվարին Թուրքիայի ԱԳ նախարար Ս. Չավուշօղլուն այցելեց Ադրբեջան, որտեղ, ի թիվս այլ թեմաների, նախատեսվում էր քննարկել նաև ղարաբաղյան խնդիրը²: Իսկ փետրվարի 19-ին վերջինս Թբիլիսիում հայտարարեց, որ Աբխազիան և Հարավային Օսիան Վրաստանի, իսկ Լեռնային Ղարաբաղը Ադրբեջանի տարածքներ են³:

Ռուս-թուրքական ճգնաժամի ֆոնին թուրք-ադրբեջանական շփումների հաճախակի բնույթն ու դրանց ընթացքում ղարաբաղյան խնդրի արծարծումը սպասելի պետք է դարձնեին հարձակումն Արցախի վրա: Ստեղծված պայմաններում Թուրքիան կարող էր օգտվել 2010 թ. պայմանագրով իր ստանձնած պարտավորություններից: Այս համատեքստում ուշագրավ է 2016 թ. մարտին Դ. Ալբորովայի մոտեցումը, որ 2008 թվականի պատերազմը Հվ. Օսիայում, այնուհետև դրան հաջորդած ՌԴ-ի կողմից նրա և Աբխազիայի անկախության ճանաչումը, արաբական գարունը, իրանական հարցը, Լիբիան, «Իսլամական պետությունը», սիրիական պատերազմը, ռուս-թուրքական հարաբերությունների սրացումը, Պարսից ծոցի երկրներում ճգնաժամը Հարավային Կովկասի անվտանգության դեմ մարտահրավերներ են⁴: Մեկ այլ քաղաքագետ Վ. Կարասևի կանխատեսումների համաձայն՝ Թուրքիան սրելու և բորբոքելու է Լեռնային Ղարաբաղում Ադրբեջանի ու Հայաստանի միջև գոյություն հավանարտությունը⁵:

Ս. Մարկեդոնովը, իր հերթին, նշել է, որ «սիրիական բեկումը» թարմություն մտցրեց ռուս-թուրքական առձակատումներում՝ ստեղծելով ռիսկային խնդիրներ ոչ միայն Մերձավոր Արևելքում, այլև դրանից դուրս: Վերջինս նաև արձանագրել է, որ կովկասյան աշխարհաքաղաքականության գոյությունը վակումային չէ և Մերձավոր Արևելքում ուժերի հարաբերակցության ցանկացած փոփոխությունը նաև Անդրկովկասում տարբեր խաղացողների մոտ կարող է ձևավորել պատրանք՝ հեշտությամբ, հոգուտ իրենց, ստատուս քվոյի հնարավոր փոփոխության հարցում⁶: Հենց դա էլ փորձեց անել Ադրբեջանը 2016 թ. ապրիլին:

Ռուս վերլուծաբան Վ. Միխայլովը նշել է, որ Ադրբեջանն աստիճանաբար ավելի շատ է հենվում Թուրքիայի աջակցության վրա, որի ուշադրությունը Ղարաբաղի նկատմամբ ավանդաբար դառնում է առավել ուշադիր Մերձավոր Արևելքում Ռուսաստանի հետ յուրաքանչյուր առձակատման փուլում: ...Ապրիլյան պատերազմը դարձավ 2015 թ. նոյեմբերին տեղի ունեցած ռուս-թուրքական առձակատման անդրկովկասյան յուրատեսակ շարունակությունը⁷:

Մերձավոր Արևելքում ծավալվող իրադարձությունները շոշափում էին Ռուսաստանի և Թուրքիայի շահերը, որի արդյունքում պետք է գործեին նրանց միջև օրինաչափություն դարձած պատմական հակասությունները՝ ավանդաբար դրսևորվելով նաև Հարավային Կովկասում: Այս առումով Թուրքիային գործելու առիթ էր հարկավոր:

(ղիտումը՝ 14.01.2020թ.). См. также: Визит Давутоглу в Баку: к кому склоняется Азербайджан в напряженности между Турцией и Россией, 19.12.2015, <https://flnka.ru/aktualnoe/11648-vizit-davutoglu-v-baku.html> (ղիտումը՝ 14.01.2020 թ.):

¹ Տե՛ս Համաձայնագիր, <https://www.arlis.am/DocumentView.aspx?docid=115436> (ղիտումը՝ 20.01.2021թ.):

² Տե՛ս Теракты не дают президенту Турции посетить Баку, 15.03.2016, https://easaily.com/ru/news/2016/03/15/terakty-ne-dayut-prezidentu-turcii-posetit-baku-aliev-sam-poedet-k-er-doganu?fbclid=IwAR2TV0faoFPA5pZuywUYUoUn91S6dYOGqy2g_8fSw6LdBFa-DrtahlthXfl (ղիտումը՝ 14.01.2020 թ.):

³ Տե՛ս Կարապետյան Ռ., Թուրքիա-Վրաստան-Ադրբեջան..., էջ 12:

⁴ Алборова Д., Обострение российско-турецких отношений – новый вызов для безопасности на Южном Кавказе, март 2016 г., <http://theanalyticon.com/?p=7660&lang=ru> (ղիտումը՝ 20.01.2020 թ.):

⁵ Տե՛ս նույն տեղում:

⁶ Տե՛ս Маркедонов С. М., Российско-турецкая конфронтация: кавказское измерение, 20.02.2016, https://m.ru.armeniasputnik.am/world/20160220/2039757.html?fbclid=IwAR1ZaiZms_JgD8XG7tZGmHaiAz-bikunX3PKM4XlVl8clsf9CjFlm_G-9mAE (ղիտումը՝ 03.02.2020թ.):

⁷ Տե՛ս Михайлов В., От Идлиба до Карабаха: Турция вновь зажжет фитиль войны на Карабахе, 16.02.2020, <https://easaily.com/ru/news/2020/02/16/ot-idliba-do-karabaha-turciya-vnov-zazhzyot-fitil-voyny-na-kavkaze> (ղիտումը՝ 22.07.2021թ.):

Ռուս-թուրքական ճգնաժամին նախորդած ժամանակահատվածում տեղի ունեցան որոշ նշանակալի իրադարձություններ: 2013 թ. սեպտեմբերի 3-ին Մոսկվայում ՀՀ նախագահ Ս. Սարգսյանը հայտարարեց Մաքսային միությանը միանալու, այդ նպատակով անհրաժեշտ քայլեր ձեռնարկելու, իսկ հետագայում Եվրասիական տնտեսական միության ձևավորմանը մասնակցելու Հայաստանի որոշման մասին¹: Կարևորելով ՀՀ-ի ՌԴ գլխավորած Եվրասիական ինտեգրացիոն գործընթացներին մասնակցելը՝ միաժամանակ պետք է նշենք, որ Մոսկվայի համար այդ առանցքային խնդրի նկատմամբ Երևանի պատրաստակամ և դրա դիմաց ոչինչ չակնկալող դիրքորոշումը բացասաբար անդրադարձավ վերջինիս գործոնի վրա: Արդեն 2015 թ. հունվարին ձևավորվեց Եվրասիական տնտեսական միությունը (ԵԱՏՄ): Սույն փաստը տհաճ իրողություն էր Արևմուտքի² և ծավալապաշտությունը որպես արտաքին քաղաքական հայեցակարգ հռչակած Անկարայի համար³: Եվրասիական ինտեգրացիոն գործընթացները սահմանափակում էին արևելքով պայմանավորված Անկարայի նպատակները: Ակնհայտ է, որ իր հավակնությունների իրագործման համար Թուրքիան ձգտելու էր օգտագործել Արևմտյան դաշնակիցների ներուժը: Սակայն Հայաստանի անդամակցությունը հիշյալ Միությանը բնավ չէր ենթադրում վերջինիս հրաժարումը Արևմուտքի հետ համագործակցությունից: Ս. Սարգսյանի որդեգրած «և՛...և՛»-ի քաղաքականությունը⁴ հիասթափություն եղավ Ռուսաստանի համար, քանի որ ՀՀ-ն չիրաժարվեց Արևմուտքից: Այնուամենայնիվ, Արևմուտքը չէր կարող Հայաստանի համար դառնալ Ռուսաստանին հակակշռող համարժեք բևեռ, ինչը, հանձին Թուրքիայի, ուներ Ադրբեջանը: Սա որոշիչ էր իրենց աշխարհաքաղաքական գործոնների ամրապնդման ուղղությամբ Մոսկվայի առջև ծավալվող հայադրբեջանական մրցակցությունում:

Ադրբեջանի՝ ԵԱՏՄ անդամ չհանդիսանալը ռիսկային հանգամանք էր Լեռնային Ղարաբաղի և Հայաստանի համար, քանի որ ստեղծված պայմաններում Բաքուն Մոսկվայի հետ սակարկելու հնարավորություն ստացավ: Մասնավորապես, Ադրբեջանին ևս ԵԱՏՄ «բերելու» անհրաժեշտությունը չէր բացառում, որ ՌԴ-ն փորձելու էր դա անել ղարաբաղյան խնդրի շուրջ նրան սիրաշահման եղանակով: Իսկ դա նշանակում էր, որ պետք է սպասելի լիներ խնդրի հանդեպ Ռուսաստանի դիրքորոշման փոխակերպումը: Արդյունքում արդեն 2015 թվականից Մոսկվան հասկացնել է տալիս՝ ստատուս քվոն այլևս հանդուրժելի չէ⁵: Իրադրությունը դասավորվում էր ի վնաս Հայաստանի և ԼՂ խնդրում առկա ստատուս քվոյի: Բացի դրանից՝ ԵԱՏՄ ձևավորումը Երևանին չազատեց Ադրբեջանի և Թուրքիայի ագրեսիվ հռետորաբանությունից: Ավելին, ստացվում էր, որ ՌԴ-ն նույնպես սկսեց հանդես գալ ընդդեմ ստատուս քվոյի: Սակայն ի տարբերություն Թուրքիայի ու Ադրբեջանի՝ Ռուսաստանն ի սկզբանե (2013 թ.) ձգտում էր խնդրի խաղաղ և բանակցային եղանակով կարգավորման⁶: Այնուհանդերձ, ռուսական առաջարկների շնորհիվ Բաքուն քիչ թե շատ ընդունելի այլընտրանք ստացավ: Մինչև 2015 թ. նոյեմբերին ռուս-թուրքական ճգնաժամի ծագումը Ռուսաստանն արդեն իսկ դեմ էր գոյություն ունեցող ղարաբաղյան ստատուս քվոյին: Սակայն այդ խնդրի նկատմամբ ռուսական դիրքորոշման փոփոխությունը, թերևս, ուներ նաև տնտեսական շարժառիթներ: Թուրքիան և Ադրբեջանը Մոսկվայի համար տնտեսական խոշոր գործընկերներ էին, իսկ աշխարհատնտեսական տարրը Ռուսաստանի արտաքին

¹ ՀՀ նախագահ Ս. Սարգսյանը և ՌԴ Նախագահ Վ. Պուտինը ստորագրել են համատեղ հայտարարություններ, 03.09.2013, https://www.president.am/hy/press-release/item/2013/09/03/President-Serzh-Sargsyan-and-President-Vladimir-Putin-joint-statement/?fbclid=IwAR38U04u53BZX62WOqPcSbrJkzNTAskTdJLJsp2uE_7eaccw-CPMu6kF9VA (դիտումը՝ 12.07.2020 թ.):

² Ղեռնա 2012 թ. դեկտեմբերին ԱՄՆ պետքարտուղար Հ. Քլինթոնը հայտարարել էր, որ «ԱՄՆ-ն ընդդիմանալու է հետխորհրդային տարածքում ինտեգրացիոն գործընթացներին, որոնք գնահատվում են որպես Խորհրդային Միության վերականգնման փորձեր»: Տե՛ս Клинтон критикует «ресоветизацию», 07.12.2012, https://rus.azattyq.org/amp/24791977.html?fbclid=IwAR0oIw0o0tJ-BGZRYz3qwBnCeZFBL7XosFRIJut_qeODZWjlkx5g93vHxNI (դիտումը՝ 22.01.2020 թ.):

³ Տե՛ս Дружиловский С. Б., Аватков В. А., Россия и Турция в новом тысячелетии // Российско-турецкие отношения: 2002-2012 годы, М., 2013, с. 18:

⁴ Տե՛ս Օրդյան Ա., «Սեպտեմբերի 3»-ը փոխեց համաձայնագրի անունը, 28.02.2017, <https://armeniasputnik.am/analytics/20170227/6545257/armenia-evramiutyun-rusastan.html?fbclid=IwAR2GrrYP-NBLgy91xE12QbIkxfn4Nk1zcT-qkKqv0DDUDb1GcHaopSEa8ZeY> (դիտումը՝ 12.07.2020 թ.):

⁵ Տե՛ս Հակոբյան Թ., Նիկոլ Փաշինյանը փակում է արժանապատիվ նահանջի ճանապարհները, 22.12.2020, <https://www.civilnet.am/news/2020/12/22/Նիկոլ-Փաշինյանը-փակում-է-արժանապատիվ-նահանջի-ճանապարհները/414067> (դիտումը՝ 24.12.2020 թ.):

⁶ Տե՛ս ՀՀ ԱԳՆ ՊԴ բաժին, ց. 20, գ. 99, թ. 37; ՀՀ ԱԳՆ ՊԴ բաժին, ց. 20, գ. 94, թ. 116-117:

քաղաքականությունում, հատկապես Արևմուտքի աճող պատժամիջոցների ազդեցության պայմաններում սկսելու էր առավել կարևորվել՝ հետագայում նոր ռիսկերի առաջ կանգնեցնելով իր գործոնի սրությունը կորցրած հայկական կողմին: Մինչդեռ թուրք-ադրբեջանական հարաբերությունների բազմաշերտ մակարդակը Ադրբեջանին Մոսկվայի առջև իր գործոնն ամրապնդելու հնարավորություն էր տալիս: Թուրքիայի առումով նշենք հետևյալը. վերջինս, էներգետիկ-տնտեսական տեսանկյունից բացի, ուներ նաև աշխարհաքաղաքական նշանակություն ՌԴ-ի համար: Մասնավորապես, ՆԱՏՕ-ի անդամ Թուրքիան իր դաշնակիցների դեմ հաճախակի հայտարարություններով և գործողություններով Ռուսաստանին դրանից օգտվելու առիթ էր ընձեռում, ինչը, թերևս, թուրքական կողմն անում էր Մոսկվային հաճոյանալու և նրա առջև սեփական գործոնի կարևորությունն ի ցույց դնելու նպատակներով: Թեև հայեցակարգային առումով Անկարան սկսել էր վարել առավել անկախական արտաքին քաղաքականություն՝ առանցքում ունենալով իր ռազմավարական ինքնավարությունը¹: Միաժամանակ Իրանի հետ հնարավոր բախման համատեքստում Արևմուտքի կողմից Թուրքիային տրվում էր առանցքային նշանակություն, ինչով ևս կարևորվում էր վերջինիս գործոնը Մոսկվայի առաջ: Վերոգրյալի համատեքստում պատահական չէր, որ 2015 թ. վերջում կողմերի միջև սկիզբ առած ձգնաժամը երկար չէր տևելու: Այսպիսի մարտահրավերների պայմաններում Մոսկվայի առջև իր գործոնը թուլացրած ՀՀ-ն օբյեկտիվորեն գրկվում էր խուսավարելու հնարավորությունից, մինչդեռ սեփական գործոնի թուլացումը սպառնալիք էր ցանկացած, առաջին հերթին՝ Հարավային Կովկասի նման կոնֆլիկտոզեն տարածաշրջանում գտնվող սուբյեկտի համար: Գործոնը կորցրած սուբյեկտն ի վերջո վերածվում է գործիքի՝ իր իսկ շահերի դեմ:

Միջազգային և համահայկական իրադարձություն էր 2015 թ. ապրիլի 24-ին Հայոց ցեղասպանության 100-ամյա տարելիցի նշումը: Այս առիթով ՌԴ-ն Երևանում ներկայացել էր նախագահ Վ. Պուտինի մակարդակով, որտեղ վերջինս նաև գործածեց «ցեղասպանություն» եզրույթը: Մինչդեռ այդ նույն օրը, Դարդանելի ճակատամարտի 100-ամյակի կապակցությամբ Թուրքիայում կազմակերպված միջոցառմանը ռուսական կողմը ներկայացել էր պետդոմայի խոսնակ Ս. Նարիշկինի մակարդակով: Այդ առիթով Ա. Մալաշենկոն հայտնել էր, որ Մոսկվան դիվանագիտական ուղիներով խնդրել էր Անկարային Պուտինի այցը չընկալել որպես ագրեսիվ քայլ²: Այնուամենայնիվ, ՌԴ ղեկավարի հայաստանյան այցին Թուրքիան բացասաբար արձագանքեց: Ա. Դավութջյունը հայտարարեց. «Պուտինի և Օլանդի այցը Հայաստան ստվեր է գցում ԵԱՀԿ Մինսկի խմբում Ռուսաստանի և Ֆրանսիայի անաչառության վրա»³: Մ. Չավուշօղլուն նշեց, որ ոչինչ չի արդարացնում Ռուսաստանի գործողությունները Ղրիմում, Վրաստանում և Ուկրաինայում: Իսկ այն բանից հետո, երբ Պուտինը հայաստանյան այցի ժամանակ 1915 թ. իրադարձությունները որակեց որպես ցեղասպանություն, Էրդողանը հայտարարեց, որ այն, ինչ կատարվում է այժմ Ուկրաինայում և Ղրիմում, ակնհայտ է, նրանք նախ պետք է բացատրեն դա, և հետո միայն գործածեն «ցեղասպանություն» բառը⁴: Նշված իրադարձությունները ևս լարվածություն առաջացրին ռուս-թուրքական հարաբերություններում:

Այսպիսով, 2011 թվականից սիրիական խնդրով պայմանավորված՝ ռուս-թուրքական տարածայնությունները 2015 թ. նոյեմբերին վերաճեցին առձակատման: Կողմերի միջև լարվածությունը տարածվեց նաև նրանց հարաբերությունները շոշափող մյուս բնագավառների ու տարածաշրջանների վրա: Այս համատեքստում տեղին է հիշատակել արևելագետ Ա. Օրլովի այն տեսակետը, որ Հարավային Կովկասի քաղաքական մթնոլորտը ավանդաբար կախված է Մոսկվայի և Անկարայի միջև հարաբերություններից⁵: Համամիտ ենք այն մոտեցմանը, որ այլևս անհնար է առանձին դիտարկել հայ-ադրբեջանական

¹ St' u Triantaphyllou D., Turkey and the quest for limited autonomy from the West, 01.07.2020, <https://www.eastern-focus.eu/2020/07/turkey-and-the-quest-for-limited-autonomy-from-the-west/> (դիտումը՝ 25.05.2021 թ.):

² St' u Дергачев В., В Армении прошли мероприятия, приуроченные к столетию геноцида армян, 24.04.2015, https://m.gazeta.ru/politics/2015/04/24_a_6653949.shtml?fbclid=IwAR0UOeBIZXoZnxT3tUzah4Xq3tUJd5IkiBTky2PbAMqWfDZxqG0g0u1-ocw (դիտումը՝ 21.01.2020 թ.):

³ Դավութջյուն «նեղացել է» Պուտինից և Օլանդից՝ Ցեղասպանության 100-ամյա տարելիցի միջոցառումներին մասնակցելու համար, 24.04.2015, <http://www.panarmenian.net/arm/news/191129/> (դիտումը՝ 20.06.2020 թ.):

⁴ St' u Перемитин Г., Глава МИД Турции осудил действия России на Украине и в Крыму, 13.05.2015, <https://www.rbc.ru/politics/13/05/2015/5552a3ba9a7947095d7f0009> (դիտումը՝ 21.01.2020 թ.):

⁵ St' u Орлов А. А., Российско-турецкие отношения: трудное движение вперед // Российско-турецкие отношения: 2002-2012 годы, М., 2013, с. 9:

կոնֆլիկտը, քանի որ այն դառնում է ընդհանուր անկայունության մաս¹: Այս համատեքստում թուրքագետ Ռ. Սաֆրաստյանը նշում է, որ 2016 թ. ապրիլին Ղարաբաղում տեղի ունեցած իրադարձությունները Մոսկվայի և Անկարայի միջև Սիրիայում առձակատման հետևանք էին²: Թուրքիայի կողմից նախապատրաստվող սադրանքը շանտաժ էր Ռուսաստանին նրա հակաթուրքական դիրքորոշման համար: Սակայն Թուրքիայի կողմից Բաքվի հրահրումը հաջողվեց նաև ռուս-ադրբեջանական ռազմավարական գործընկերության շնորհիվ, որի արդյունքում ադրբեջանական զինուժն ունեցել էր աննախադեպ վերելք³: Ռուսաստանի կողմից Ադրբեջանին գեներ վաճառելը ինտրիգ էր սերմանել ղարաբաղյան խնդրի շուրջ:

Թուրքիան, իր և ՆԱՏՕ-ի շահերից ելնելով, շահագրգռված էր տարածաշրջանի ապակայունացման մեջ, որը լրացուցիչ խնդիր կդառնար Մոսկվայի համար: Ռուս թուրքագետ Վ. Ավատկովը նշել է, որ ղարաբաղյան կոնֆլիկտում Անկարան Բաքվին դրդում է պատերազմի: Թուրքիան բազմիցս հայտարարել է, որ տարածաշրջանային ցանկացած զարգացումների դեպքում կլինի Ադրբեջանի կողքին: Տարածաշրջանի ապակայունացումը Թուրքիայի համար հնարավորություն է: Դա կհանգեցնի թուրքական աշխարհում Թուրքիայի դիրքերի ամրապնդմանը, որը նրա խնդիրներից մեկն է⁴:

2016 թ. ղարաբաղյան հակամարտության կարճատև թեժացումը որոշ առումներով կարող էր ձեռնտու լինել Մոսկվային, քանի որ դա նրան միջնորդական առաքելություն ստանձնելու հնարավորություն տվեց: Այն նաև որոշակիորեն շեղեց միջազգային ուշադրությունը սիրիական և ուկրաինական ճգնաժամերից: Իրադարձությունները ցույց տվեցին, որ 2016 թ. ապրիլյան հրադարձը հաստատվեց Ռուսաստանի միջնորդությամբ, ինչը կրկին փաստեց, որ Մոսկվան կառավարում է հակամարտությունը: Այն, ըստ էության, խաղաքարտ է Թուրքիայի և Ռուսաստանի տարածաշրջանային շփումներում: Հատկանշական է նաև, որ դրսևորվեց խնդրի նկատմամբ թուրքական և ռուսական կողմերի ազդեցության չափը: Թուրքիան սանձազերծեց բախումը, իսկ Ռուսաստանը դրան վերջ դրեց: Դրսևորվեց նաև հակամարտող կողմերի հետ Մոսկվայի հարաբերությունների առավելությունը, ինչից զուրկ էր Թուրքիան: Վերջինս, ի տարբերություն Ռուսաստանի, կարող էր ազդել միայն Բաքվի վրա:

Փաստերն ու իրադարձությունները վկայում էին, որ ղարաբաղյան խնդիրը բացառապես տարածաշրջանային չէ և ունի համաթուրքական և պանթուրքական նշանակություն, որի միջոցով շահագրգիռ ուժերը կփորձեն հյուծել հայկական պետության տնտեսական, հասարակական-քաղաքական և ռազմական ներուժը, ինչը հակասում է նաև Մոսկվայի շահերին:

2020 թ. սեպտեմբերին ՄԱԿ-ում Ռ. Էրդողանը ՀՀ-ին մեղադրեց Հարավային Կովկասում խաղաղության և կայունության հիմնական խոչընդոտ լինելու մեջ: Բացի դրանից՝ նա հերթական անգամ ընդգծեց, որ Թուրքիան հանդես է գալիս տարածաշրջանի հակամարտությունների՝ Ադրբեջանի և Վրաստանի տարածքային ամբողջականության լուծման դիրքերից⁵: Ի դեպ, 2020 թ. հուլիսյան թեժացման ժամանակ պաշտոնական Անկարան հանդես եկավ Հայաստանին ուղղված կոշտ ու ագրեսիվ հռետորաբանությամբ⁶: Էրդողանի ելույթից հետո՝ սեպտեմբերի 27-ին, Թուրքիայի միջամտությամբ և աջակցությամբ, այդ թվում՝ թուրք ազգայնամուլների և Մերձավոր Արևելքից վարձկան-

¹ St' u Gostev A., Встать с колен, сбив с ног соседа. Большая игра Путина и Эрдогана, 07.08.2020, https://www.svoboda.org/a/30770234.html?fbclid=IwAR0gdh_ScSS31f0XAc3BVALwDZ-C9SdWywvTVqS1dJhXbMtS6v9Vew9Yzx4 (դիտումը՝ 17.08.2020 թ.):

² St' u Сафрастьян Р. А., Турция «предупредительно выстрелила» руками Баку в сторону Армении и России, 09.03.2020, <https://eodaily.com/ru/news/2020/03/09/turciya-predupreditelno-vystrelila-rukami-baku-v-storonu-armenii-i-rossii> (դիտումը՝ 24.08.2020 թ.):

³ St' u Азанов Р., Какое оружие Азербайджан покупал у России, 25.09.2018, <https://tass.ru/armiya-i-opk/5598195> (դիտումը՝ 26.05.2021 թ.), նաև՝ ՀՀ ԱԳՆ ՊՂ բաժին, ց. 20, գ. 99, թ. 103:

⁴ St' u Аватков В. А., Турция подталкивает Азербайджан к войне с Арменией – российский востоковед, 22.07.2020, <https://eodaily.com/ru/news/2020/07/22/turciya-podtalkivaet-azerbaydzhan-k-voyne-s-armeniy-rossiyskiy-vostokoved?fbclid=IwAR3UuyilG3J7CWBkBrkZTgoGqlw92k779mEca28u2xVwqSgr8EYDzhTN5OwY> (դիտումը՝ 17.08.2020 թ.):

⁵ St' u Չոբանյան Է., Էրդողանը ՄԱԿ-ում բողոքել է Հայաստանից Հարավային Կովկասում խաղաղության խոչընդոտ որակելով, 23.09.2020, <https://factor.am/285947.html> (դիտումը՝ 23.09.2020 թ.):

⁶ St' u Akar'dan Azerbaycan'a destek, Ermenistan'a sert uyari: Ne gerekirse yapariz, 17.07.2020, <https://www.hurriyet.com.tr/dunya/akar-dan-azerbaycana-destek-ermenistana-sert-uyari-ne-gerekirse-yapariz-41566438> (դիտումը՝ 25.05.2021 թ.):

ահաբեկիչների ներգրավմամբ Բաքուն հերթական ագրեսիան ձեռնարկեց Արցախի դեմ¹: Այս իրադարձություններում Թուրքիայի ներգրավվածությունը ակադեմիկոս Ռ. Սաֆրաստյանն իրավացիորեն կապել է նրա պանթուրքական նկրտումների հետ²: Սկիզբ առած գործընթացներում Թուրքիան, ի հաշիվ Մոսկվայի դիրքերի, փորձեց ամրանալ Հարավային Կովկասում, ինչպես նաև դարաբաղյան խնդրով պայմանավորված բանակցություններում, որտեղ Ադրբեջանը, ըստ էության, դարձավ նրա ծավալապաշտության գործիքը: Ռուսաստանի, Հայաստանի և Ադրբեջանի ղեկավարների նոյեմբերի 9-ի համատեղ հայտարարությամբ³ ռազմական գործողություններին վերջ դրվեց, որով նաև նախատեսվեց Արցախի՝ հայերի կողմից վերահսկվող տարածքում ռուս խաղաղապահների տեղակայումը (2021 թ. հունվարից Ադդամում գործել սկսեց ռուս-թուրքական մշտադիտարկման կենտրոնը): Հատկանշական է, որ հիշյալ եռակողմ հայտարարությամբ կրակի դադարեցման ու ՌԴ խաղաղապահ ուժերի տեղակայման մասին որոշումներն ընդունվեցին ԵԱՀԿ Մինսկի խմբի ձևաչափից դուրս, ինչն առաջ բերեց ԱՄՆ-ի և Ֆրանսիայի դժգոհությունը: Իսկ պատերազմի արդյունքներով Մոսկվան ընդլայնեց իր ազդեցությունը Հարավային Կովկասում՝ նաև ընդլայնելով իր ռազմական ներկայությունը: Նշենք նաև, որ պատերազմի ընթացքում գործնականում դրսևորվեց Անկարա-Թբիլիսի-Բաքու ռազմավարական համագործակցությունը:

Անկարան իր հակառուսական դիրքորոշումն ընդգծեց նաև Կիևի հետ հարաբերություններում. 2020 թ. հոկտեմբերի 16-ին նախագահ Վ. Ջելենսկու հետ հանդիպմանը Ռ. Երդոդանը հերթական անգամ նշեց. «Թուրքիան սատարում է Ուկրաինայի տարածքային ամբողջականությանը և չի ձանաչում Ռուսաստանի կողմից Ղրիմի բռնակցումը»⁴: Ի դեպ, Ղրիմը, որպես պանթուրքիզմի ծագման բնօրրան⁵, գաղափարական մեծ նշանակություն ունի Թուրքիայի ծավալապաշտական նկրտումներում: Իրադարձությունները վկայում են, որ արևելքում և հետխորհրդային տարածքում Անկարան որդեգրել է նախածեռնող քաղաքականություն, որտեղ նրա պանթուրքական նախագծերը սպառնալիք են ոչ միայն տարածաշրջանի, այլև Ռուսաստանի և Իրանի համար:

Ռուսաստանում ավտորիտար-ուժային և լիբերալ բևեռների միջև պայքարը պատմականորեն ուղեկցվել է տարատեսակ ցնցումներով, իսկ մեր օրերում դրանք կարող են որոշակի հնարավորություններ բացել Թուրքիայի առաջ: Ռազմաքաղաքական գերինքնավստահությամբ պայմանավորված վերջինիս աշխարհաքաղաքական հավակնությունները, տարածաշրջանում սեփական շահերի առաջնությունը և ռազմաքաղաքական ազդեցության մեծացումը երկարաժամկետ անվտանգային սպառնալիքներ են ստեղծում Հայաստանի համար: Թուրքիայի իսլամական ազգայնականության և ագրեսիվ ծավալապաշտական քաղաքականությունն ու վարքագիծը տարածաշրջանում ստատուս քվոյի կտրուկ փոփոխության հնարավորություն տվեցին Ադրբեջանին: Ռուսաստանի համար երկարաժամկետ առումով էական խնդիր է դառնալու նաև Հարավային Կովկասում թուրք-ադրբեջանական ռազմական դաշինքի զսպումը, որի աշխարհաքաղաքական ազդեցությունը նաև Կենտրոնական Ասիա տարածվելու նոր հնարավորություններ է բացում: Ակնհայտ է նաև այն, որ ռուս-թուրքական հարաբերությունների միաժամանակ և՛ հակամարտային, և՛ համագործակցային երկարաժամկետ բնույթն (ինչին վերջին տարիներին ականատես ենք լինում Սիրիայում) իր ազդեցությունը կունենա ինչպես տարածաշրջանի, այնպես էլ՝ Հայաստանի կենսական անվտանգության վրա: Դրան հատկապես կարող են նպաստել Ռուսաստանի տնտեսական դրության հետագա հնարավոր վատթարացումը, Արևմուտքի պատժամիջոցներն ու վերջինիս կողմից նրան մեկուսացնելու քաղաքականությունը, Թուրքիա-Արևմուտք լարվածությունը և այլն:

¹ St' u Михайлов В., Третья Карабахская: некоторые предварительные итоги с надеждой на мир, 10.10.2020, <https://eadaaily.com/ru/news/2020/10/10/tretya-karabahskaya-nekotorye-predvaritelnye-itogi-s-nadezhdoj-na-mir> (դիտումը՝ 13.10.2020 թ.):

² St' u Պողոսյան Հ., Հիմա մենք ականատեսն ենք Թուրքիայի ցեղասպանական քաղաքականության նոր փուլին..., 12.10.2020, <https://newsmedia.am/?p=2540685&l=am%2F&fbclid=IwAR35I8VV-qw2k21-DtNf9aNze6IDauyHHRPxxwEk4pfYoz8Utk5csXjkKs3g> (դիտումը՝ 13.10.2020 թ.):

³ St' u Заявление Президента АР, Премьер-министра РА и Президента РФ, 10.11.2020, <http://krem-lin.ru/events/president/news/64384> (դիտումը՝ 17.11.2020 թ.):

⁴ Turkish, Ukrainian cooperation deepens: Erdoğan, 17.10.2020, <https://www.hurriyetdailynews.com/turkish-ukrainian-cooperation-deepens-erdogan-159215> (դիտումը՝ 17.10.2020 թ.):

⁵ Պանթուրքական գաղափարախոսության հիմնադիրն է Ղրիմի թաթար Իսմայիլ Գասպրինսկին (1851-1914 թթ.):

Taron Sakoyan, ИНТЕРЕСЫ И ПРОТИВОРЕЧИЯ ТУРЦИИ И РОССИИ НА ЮЖНОМ КАВКАЗЕ В НОВЫХ ГЕОПОЛИТИЧЕСКИХ РЕАЛИЯХ (2010-2016). Целью статьи является анализ интересов и противоречий России и Турции на Южном Кавказе, которые, во многом, обострились под влиянием сирийского и украинского кризисов. В этих условиях Азербайджан стал ключевым инструментом для Анкары, что позволило последней приступить к постепенному продвижению своих интересов в регионе. Тем временем, образование ЕАЭС с участием Армении (без каких-либо предварительных условий с ее стороны), отрицательно отразилось на ее факторе, в первую очередь, в отношениях с союзной Москвой. А на фоне политических и экономических санкций Запада против Москвы, Турция и Азербайджан, в противовес интересам Армении, значительно усилили свои геополитические факторы в отношениях с Россией.

Ключевые слова: Россия, Турция, Южный Кавказ, баланс сил, сирийский кризис, украинский кризис, ЕАЭС, фактор, Армения, Азербайджан, карабахский конфликт.

Taron Sakoyan, INTERESTS AND CONTRADICTIONS BETWEEN TURKEY AND RUSSIA IN THE SOUTH CAUCASUS IN NEW GEOPOLITICAL REALITIES (2010-2016). The purpose of the article is to analyze the interests and contradictions between Russia and Turkey in the South Caucasus, which have been aggravated in many aspects by the influence of the Syrian and Ukrainian crises. In these circumstances, Azerbaijan became a key player for Ankara, which allowed the latter to gradually move on its interests in the region. Meanwhile, the formation of the EAEU with the participation of Armenia (without any preconditions on its end) negatively affected the latter's factor, first of all, for Moscow as an ally. On top of it, Turkey and Azerbaijan, contrary to the interests of Armenia, significantly strengthened their geopolitical factors before Russia, against the backdrop of West's political and economic sanctions against Moscow.

Key words: Russia, Turkey, the South Caucasus, balance of power, Syrian crisis, Ukrainian crisis, EAEU, factor, Armenia, Azerbaijan, Karabakh conflict.

ՊԱՏՄՈՒԹՅՈՒՆ ԵՎ ՄՇԱԿՈՒՅԹ

ՀԱՅԱԳԻՏԱԿԱՆ ՀԱՆԴԵՍ

ИСТОРИЯ И КУЛЬТУРА

АРМЕНОВЕДЧЕСКИЙ ЖУРНАЛ

HISTORY AND CULTURE

JOURNAL OF ARMENIAN STUDIES

2021, № 2

Գլխավոր խմբագիր՝ Էդիկ Մինասյան
Խմբագիր՝ Միքայել Մալխասյան
Տեխնիկական խմբագիր՝ Տիգրան Ղանալանյան
Սրբագրումը՝ Մերի Հովհաննիսյանի
Համակարգչային ձևավորումը՝ Միքայել Մալխասյանի

Հասցեն՝ 0025, Երևան, Արովյան 52
Адрес-0025, Ереван, ул. Абовяна 52
Address: 0025, Yerevan, Abovyan 52
E-mail: histcultjournal@gmail.com
tel: 060-71-06-00, 055-92-88-00

ԵՊՀ հրատարակչություն, Երևան, Ալ. Մանուկյան 1
«Մեկնարկ» ՍՊԸ տպարան, Երևան, Արովյան 41

Издательство ЕГУ, Ереван, ул. Ал. Манукян 1
Типография ООО “Мекнарк”, Ереван, ул. Абовяна 41

Տպարանակը՝ 300